

Sandžačka novinska agencija "SANA"

Sandžak Media DOO

Dimitrija Tucovića bb, 36300 Novi Pazar

Glavnom i odgovornom uredniku

Predmet: Zahtjev za objavljivanje odgovora

U servsima Vaše agencije, a preko internet stranice "sanapress.info" dana, 12.01.2021. godine emitovano je saopštenje potpisano od strane Media centra Islamske zajednice u Srbiji kojim je iznešeno niz netačnih, neprovjerenih informacija i kvalifikacija s ciljem, kako sam razumio, da se naruši moj ugled, čast i dostojanstvo, ali i da mi linčom u javnosti, te satanizovnjem bude pričinjena materijalna šteta i ugrožena lična sigurnost.

Smatram da je povrijeđeno moje pravo i interes i, u skladu sa odredbama Zakona o javnom informisanju i medijima ("Sl. glasnik RS", br. 83/2014, 58/2015 i 12/2016) Čl. 83, 84, 86 i 87 zahtjevam da, bez naknade, bez odlaganja, u prvom narednom broju, odnosno u prvoj narednoj emisiji od prispeća odgovora (u istom trajanju i broju karaktera kao i u saopštenju) objavite sljedeći odgovor:


Nije tačno da je novinar i urednik informativnog portala SNews, Medin Halilović u tekstu "'Muftija' dr Mevlud ef. Dudiću, to ne bi ni pas s' maslom", 9. januara 2021. godine, dajući kritički osvrt na javno obraćanje Dudića objavljeno na zvaničnoj stranici Islamske zajednice u Srbiji, 5. januara 2021. godine, iznio bilo kakve uvrede na račun bilo koga niti izašao iz okvira javnog diskursa.

Halilović je u rublici kolumna, poštujući tu formu slobodnog izražavanja misli i stavova, u tekstualnom obliku konstatirao i, "citirajući njegove riječi" napisao ono što je Dudić, sasvim očigledno ne vodeći računa o svom vokabularu, kao predstavnik IZ-e izgovorio za veliki broj ljudi.

Dudić je za svoje neistomišljenike pred javnim auditorijem rekao da su "bolest", "kuga", "korona je hadžinica u odnosu na tu paravjersku tvorevinu", "tamo, oni", "smeće", "opaka bolest", "otpadnici" itd, dok je Halilović konstatirao narodnom izrekom "da to ne bi ni pas s' maslom",

Dudić je, kršeći sve moralne norme, ovakvim riječima prekršio sva pravila uvažavaju javnosti i ljudskog dostojanstva, a Halilović je, između ostalog, naveo da mu je bio cilj "da ukaže na to kako ne treba govoriti, kakav ne treba biti, kako ovakve riječi nikome i ničemu nikakvo dobro i hajir donijet neće".

Medijski profesionalac Medin Halilović je, pored angažmana u renomiranim medijima u regionu, već deset godina i dopisnik oficijalne turske novinske Agencije Anadoluja (AA). Njegovi tekstovi, fotografije i drugi sadržaji objavljuju se na svim meridijanima svijeta, a svi



pokušaji Muamera Zukorlića, članova njegove porodice i stranačkih pristalica da se Haliloviću onemogući rad u Agenciji Anadoluja (AA) su bili neuspješni. Ova interesna grupa okupljena oko Zukorlića, njegove stranke i islamske zajednice u koju je instalirao političku organizaciju, nije mogla da kontroliše niti na bilo koji način utiče na ovog poznatog sandžačkog novinara.

“Nemam hrabrosti da šutim”, poručio je Halilović nakon posljednjih napada, prijetnji i uvreda.

S toga je neistinito, netačno i nepotpuna informacija ono što je u vezi Medina Halilovića na Sandžak televiziji objavljeno 12. januara 2021. godine i narednih dana.

Unaprijed zahvaljujem.

U Novom Pazaru

21.01.2021. godine

Medin Halilović, dipl. novinar

